

COMHAR

LEABHAIRCOMHAR | COMHARÓG | COMHARTAIGHDE

PORTRÁIDÍ NA SCRÍBHNEOIRÍ GAEILGE

47 SRÁID HARRINGTON, BAILE ÁTHA CLIATH 8 Guthán: +353 – 1 – 6751922 Ríomhphost: oifig@comhar.ie;
leabhaircomhar@comhar.ie; comhartaighde@comhar.ie. Idirlíon: www.comhar.ie; www.comhar.ie/leabhair; www.comhartaighde.ie

Cathaoirleach: Cathal Goan Feidhmeannach Riaracháin agus Gnó: Elly Shaw

Stiúrthóirí: Cormac Breathnach, Kevin de Barra, An Dr Liam Mac Amhlaigh, Órla Ní Chuilleanáin,
Muireann Ní Mhóráin, Paula Ní Shlatarra, Uaitéar Ó Ciaruáin, An Dr Gréagóir Ó Dúill, Fiachra Ó Marcaigh

PORTRÁIDÍ NA SCRÍBHNEOIRÍ GAEILGE

www.portraidi.ie; portraidi@comhar.ie; www.facebook.com/portraidi/; [@scribhneoiri](https://twitter.com/scribhneoiri)

Eagarthóir: An Dr Liam Mac Amhlaigh Feidhmeannaigh tionscadail: Elly Shaw & Cairíona Ní Dhúnáin Comhairleoir teicniúil & deartha: Ronan Doherty

Tionscadal comhpháirtíochta idir COMHAR & Foras na Gaeilge

www.portraidi.ie

PREASRÁITEAS: 13 NOLLAIG 2016

Is mór ag COMHAR agus Foras na Gaeilge dhá phíosa nuachta a bhaineann leis an togra seo lena mbaineann leabhar eisceachtúil (*Portráidí na Scríbhneoirí Gaeilge*) agus láithreán gréasáin spleodrach (www.portraidi.ie), a fhógairt, mar atá:

- an chéad áit a bhuachaint sa chomórtas náisiúnta **Eir Spiders** don suíomh gréasáin is fearr i nGaeilge sa bhliain 2016; agus
- fógra poiblí ar ainmneacha na scríbhneoirí nua (an chéad ghrúpa) a bhaineann le **Céim 2** den tionscadal.

Eir Spiders

Bhí ábhar mórtais faoi leith ann nuair a ghnóthaigh an suíomh www.portraidi.ie an chéad áit sa chomórtas náisiúnta Eir Spiders (Gradaim sa Teicneolaíocht Dhigiteach) don suíomh gréasáin is fearr i nGaeilge in Éirinn sa bhliain 2016. Bronnadh an gradam seo ar an suíomh ag searmannas ar an gCéadaoin 30 Samhain. Is mór an teist í an bua seo ar dhearadh an tsuímh agus ar a fheabhas mar áis tagartha, taighde agus foghlama do

dhuine ar bith ar spéis leo litríocht na Gaeilge. Cúis bróid ar leith do rannpháirtithe an tionscadail is ea an t-aitheantas seo a bheith faighte ag an suíomh ceannródaíoch, stairiúil seo a bhfuil aidhm cartlannaíoch ag baint leis agus gan é ach cúpla mí ar an bhfód.

Na scríbhneoirí nua i gCéim 2

Tionscadal ilchéimneach, ilbhliantúil is ea *Portráidí na Scríbhneoirí Gaeilge*. Sa chéad chéim den tionscadal cuireadh an leabhar agus an láithreán ar fáil bunaithe ar an gcartlann reatha phortráidí digiteacha. Sa dara céim den tionscadal, cuirfear portráidí dá bhfuil ann de scríbhneoirí eile na Gaeilge sna seánraí éagsúla leis an gcartlann seo go bliantúil chun an chartlann a iomlánú thar am. Beidh sé i gceist ocht sraith de phortráidí nua/ochtar scríbhneoirí a chur leis an mbunachar in aghaidh na bliana. Chuige sin, ba mhór le páirtithe an tionscadail an chéad liosta nua, liosta 2017, a bhaineann le **Céim 2** den togra a roinnt ag mórshéoladh na Nollag de chuid COMHAR tráthnóna ar a 6:30pm in Acadamh Ríoga na hÉireann i mBaile Átha Cliath. Is iad siúd:

- **Brid Ní Mhóráin:** file
- **Darach Mac Con Iomaire:** drámadóir agus scríbhneoir scripte
- **Darach Ó Scolaí:** úrscéalaí
- **Joe Steve Ó Neachtain:** gearrscéalaí, drámadóir, file agus úrscéalaí
- **Máire Nic Mhaoláin:** aistritheoir agus eagarthóir
- **Orna Ní Choileáin:** úrscéalaí agus scríbhneoir do pháistí
- **Regina Uí Chollatáin:** Ceann ar Scoil na Gaeilge, an Léinn Cheiltigh agus an Bhéaloidis sa Choláiste Ollscoile, Baile Átha Cliath, agus scríbhneoir acadúil
- **Tadhg Ó Dúshláine,** Iarléachtóir sinsearach le Nua-Ghaeilge in Ollscoil Mhá Nuad, file agus scríbhneoir acadúil

Réiteofar portráidí den ochtar scríbhneoirí seo, móide eolas beathaisnéise agus sonraí gaolmhara eile sa chéad sé mhí de 2017 le poibliú faoi mhí na Nollag an bhliain seo chugainn, nuair a sheolfar an t-ábhar agus nuair a fhógrófar liosta 2018. Tá COMHAR agus Foras na Gaeilge thar a bheith buíoch do na scríbhneoirí agus na grianghrafadóirí a thoiligh a bheith páirteach sa togra spreagúil seo. Foilseachán stairiúil i mbliain stairiúil atá anseo; ceiliúradh ar an oidhreacht liteartha a chuir na scríbhneoirí seo ar fáil don teanga.

Cúlra

Portráidí na Scríbhneoirí Gaeilge

Tionscadal eiseamláireach é **Portráidí na Scríbhneoirí Gaeilge** a dhéanann an Scríbhneoir Gaeilge a chomóradh agus a thugann ábhar grianghrafadóireachta den scoth i láthair an phobail. Sa chnuasach álainn lándaite seo, foilsítear portráidí de 107 de na scríbhneoirí is

aitheanta i saol na Gaeilge, idir údair liteartha agus scríbhneoirí acadúla, ar tógadh a bportráidí go digiteach idir 2009-2013, ag Máire Uí Mhaicín d'Fhoras na Gaeilge. Cuimsítear filí, úrscéalaithe, gearrscéalaithe, scríbhneoirí béaloidis, scríbhneoirí do pháistí, scoláirí léinn agus scríbhneoirí ó sheánraí liteartha eile. Cuirtear beathaisnéis agus, de réir mar a oireann, sliocht dá saothar go tánaisteach leo. Mar sin féin, tá béim faoi leith ar an bportráidíocht ealaíonta iontu a léiríonn daonnacht na scríbhneoirí céanna. Cuirtear réamhrá agus sleachta cuimhní cinn leis an leabhar freisin, agus tá an láithreán gréasáin inchuadaithe ina áis luachmhar do shaol na Gaeilge anois agus sa toadhcháil.

An grianghrafadóir tosaigh: Máire Uí Mhaicín

Léachtóir agus scríbhneoir ab ea Máire Uí Mhaicín, a shaothraigh ar an togra dúshlánach grianghrafadóireachta seo ar feadh roinnt blianta i ndiaidh di críoch a chur lena teagasc ar an tríú leibhéal. Bunaíodh an tionscadal seo ar na buanna a bhí ag Máire leis an teanga, leis an aithne agus eolas a bhí aici ar scríbhneoirí agus scríbhneoireacht na Gaeilge, agus ar an umar léinn a bhí aici ar gach gné de litríocht na Gaeilge thar cúpla céad bliain. Thuig sí ealaíon na portráidíochta agus conas mar a chuaigh an duine i bhfeidhm ar a bportráid agus a mhalairt.

Na grianghrafadóirí i gCéim 2

Beidh na grianghraif sa chéim seo á nglacadh ag an bpainéal nuabhunaithe de cheathrar grianghrafadóirí, a ceapadh le teacht i gcomharbacht ar Mháire Uí Mhaicín chun cúram na portráidíochta a leanúint, ar fógraíodh a n-ainmneacha ag an ócáid sheolta i Má Nuad i mí na Samhna. Is iad **Ronan Doherty**, comhairleoir deartha agus teicniúil, *Portráidí na Scríbhneoirí Gaeilge*, **Lára Ní Mhaoláin**, léachtóir le Nua-Ghaeilge, Ollscoil Mhá Nuad, **Seán Ó Mainnín**, eagarthóir grianghrafadóireachta tuairisc.ie, agus **Máirín Seoighe**, scannánadóir agus bunaitheoir *Scannáin Dobharchú*.

COMHAR

Príomhfhoilsitheoir náisiúnta na Gaeilge é **COMHAR**, a fhoilsíonn iris mhíosúil liteartha na Gaeilge, *Comhar*, iris do léitheoirí iarbhunscóile, **COMHARÓg**, iris acadúil phiarmheasta bhliantúil **COMHARTaighde**, le hinphrionta leabharfhoilsitheoireachta, **LeabhairCOMHAR**, agus tograí foilsitheoireachta eile idir lámha i saol na Gaeilge. Tá **COMHAR** buíoch de Fhoras na Gaeilge, de Chlár na Leabhar Gaeilge, den Chomhairle um Oideachas Gaeltachta agus Gaelscolaíochta, d'Acadamh Ríoga na hÉireann agus den Chomhairle Ealaíon as a dtacaíocht leanúnach sna tograí seo.

Foras na Gaeilge

Faoi réir Chomhaontú Aoine an Chéasta bunaíodh An Foras Teanga, Comhlacht Forfheidhmithe Thuaidh/Theas, chun an Ghaeilge agus an Ultais a chur chun cinn. Faoi choimirce an chomhlachta sin, déanann Foras na Gaeilge na freagrachtaí go léir i dtaca leis an nGaeilge a chur i gcrích. I measc na bhfreagrachtaí sin tá labhairt agus scríobh na Gaeilge sa saol poiblí agus sa saol príobháideach i bPoblacht na hÉireann. Tá an fhreagracht chéanna ann i leith Thuaisceart Éireann, sa chás go mbíonn an t-éileamh cuí ann agus i gcomhthéacs Chuid III de Chairt Chomhairle na hEorpa um Theangacha Réigiúnacha nó Mionlaigh.



Tuilleadh eolais:

Elly Shaw & Caitriona Ní Dhúnáin, **COMHAR**: (01) 675 1922, gno@comhar.ie & leabhaircomhar@comhar.ie
Anna Davitt, **Foras na Gaeilge**: (01) 649 8400, 087 673 6175, adavitt@forasnagaeilge.ie